

## **Siumoortumik nalunaarsuinermi immersugassamut ilitsersuut**

### **Siumoortumik nalunaarsuineq**

Pitsaasumik siumoortumik nalunaarusiornerup ukiumut aningaasarsiorfiusumut 2010-mut tunngatillugu akileraarutigisassat sinnerinik akiliisariaqalersinnaanissat imaluunniit akileraarutinut sinniilluni akiliutinik utertoortariaqalersinnaanissat pinngitsoortilluguluunniit minnerulersissavaa.

Siumoortumik nalunaarsuineq 2010-mi akileraarutinut akiliutigigallagassannut tunngaviusaaq. Sulinikkut akissarsiaqartunut akileraarutinut akiliineq pissaaq sulisitsisuusup skattekortinajoqqutaralugu akileraarutinik akissarsianit ilanngaateqarneratigut. Namminersorlutik inuusutissarsiateqartut akileraarutinut akiliutitik (akileraarutit B-t) ukiumut akiliinernut qulinut agguataarlugit nammineerlutik akilissavaat.

2008-mut nammineerluni nalunaarummik imaluunniit 2009-mut siumoortumik nalunaarummik tunniussisimangikkuit, siumoortumik nalunaarusiornermi immersugassaq immersorlugu nunap immikkoortuani akileraaruseriffimmut **nassiutissavat**.

Siumoortumik nalunaarummik nunap immikkoortuani akileraaruseriffimmut nassitsinissaq pissusaaffinngikkaluarit, akileraartartut amerlasuut siumoortumik nalunaarsuinermi immersugassamik immersuillutik nassitsinertik iluaqutigisussaavaat.

Pingaartumik akileraartartunut makkununga tamanna atuuppoq:

- Aningaasarsianik B-nik, aningaasarsiat akileraaruteqaataasussaangitsunut killiliusaaq sinnerlugu isertitaqarsimasunut, takuuk matuma ataaniittoq, imaluunniit
- Aalajangersimasumik ilanngaat sinnerlugu akileraartarnermut ilanngaatigineqarsinnaasunik ilanngaateqartut, matuma ataaniittoq takuuk.

Appariit katissimasut maluginiassavaat, maannakkut ataatsimut akileraartussaataaneq atorrunnaarmat. Taamaammallu siumoortumik nalunaarsuinermi immersugassamik aappariit katissimasut tamarmik immikkut immersuissapput.

Appariillutik katissimasut ilanngaatit agguarneqarneranik allaanerusumik kissaateqarunik, taava aappariit katissimasut siumoortumik nalunaarusiornermik nunap immikkoortuani akileraaruseriffimmut nassiuttariaqarpaat, kissaatigisartillu "Paasissutissat immikkut ittut" nalaanni nalunaarutigalugu.

Siumoortumik nalunaarsuinermi allattuiffimmik nassiussinngikkuit, taava nunap immikkoortuani akileraaruseriffimmit 2008-mut aamma 2009-mut paasissutissat nalunaarsorneqarsimasut tunngavigalugit siumoortumik nalunaarsuiffigineqassaait.

Akileraartartut naatsorsuutigisinnaavaat 2010-mut skattekortin decembari 2008-mi imaluunniit siumoortumik nalunaaruteqarnivit allanngortinneqarnerata kinguninnguatigut tigussallugu.

2010-p ingerlanerani isertitatit allannguuteqassappata, nunap immikkoortuani akileraaruseriffik qinnuigisinnaavat 2010-mut siumoortumik nalunaarutivim immersukkap nutaap allanngortisisuusup nassiunneratigut, nutaamik nalunaarusioqqullutit.

### **Aningaasarsiat B-tut isertitat**

Aningaasarsianik B-nik isertitat aammalu aallaaniarnermi, piniarnermi aalisarnermilu pisanik tunisanit pisunit isertitat akileraaruteqaataasussaangillat, isertitat tamakkerlutik 5.000 koruunit ataassimappatigut.

Matuma qulaani aningaasat taaneqartut sinnerlugit aningaasarsianik B-nik isertitaqarnissat naatsorsuutigigukku, aningaasarsiat B-nit isertitat katillugit siumoortumik nalunaarsuinermi immersugassami allanneqassapput.

### **Ilanngaatit**

Aningaasarsiat akileraaruteqaataasussat naatsorsorneqarneranni ilaatigut ingerlatsinermi aningaasartuutit (isertitat pissarsiarisinnaajumallugit, qulakkeerniarlugit ingerlaannarnissaanulluunniit pisariaqartunik aningaasartuutit – pingaartumik aningaasarsianik B-nik isertitanut atatillugu aningaasartuutit,) akiitsut erniaat, nuliarisimasamut meeqqanullu akilersuutit ilanngaatigineqarsinnaapput.

Akilerartartut tamakkiisumik akilerartussaataasut tamarmik, aningaasartuutitilluunniit ikinerugaluarpata, **aalajangersimasumik ilanngaatit** 10.000 koruuniusut ilanngaatigisinnavaat. Aningaasartuutit taakkunanga amerlaneruppata, aalajangersimasumik ilanngaammut taarsiullugu aningaasartuutigivissimasatik ilanngaatigisinnavaat. Ilangaatit siumoortumik nalunaaruteqarnermi immersukkamut allanneqassapput.

### **2008-mut akilerartutissat sinnerinut akiitsunik ilanngullugit naatsorsuineq**

Ukiumut aningaasarsiorfimmut 2008-mut inaarummik naatsorsuut akilerartutissat sinnerinik akiligassaqaalersitsilluni inerneqarpat, taava Akilerartarnermut Aqutsisoqarfiup akilerartutissat sinnerinut akiligassatit 18.000 koruunit sinnersimangippagit, taakku akiligassat siumoortumik ilanngullugit naatsorsuutigisinnavaat.

Tamanna isumaqarpoq 2008-mut akilerartutissat sinnerinut akiligassatit (annerpaamik 18.000 koruunit) tunngaviusumik akilerartarnermut ilanngaatissannit ilanngaatigineqarumaartut.

Akilerartutissat sinnerinut akiligassatit 2010-mut siumoortumik nalunaarusiorneqarninnut ilanngullugu naatsorsuutigittikkusunngikkukkit, tamanna pinngitsoortissinnavaat naatsorsuullugu ilanngunneqartup annertoqqataanik Akilerartarnermut Aqutsisoqarfiup aningaaserivimmi kontuanut 6471-1002608 akiliuteqarnikkut, akiliuteqarnermi inuup normua nalunaarutigeqquneqarpoq tamannalu kingusinnerpaamik pissaaq 20. novembari 2009.

Akiligassat ilanngullugit naatsorsuutigineqartut 2008-mut inaarummik naatsorsuummi aamma 2010-mut siumoortumik nalunaarusiornermut immersugassami tigusanni tigusassannilu ersisapput.

### **Tamanut tunngatillugu**

Ukiumut isertitani inummut ilanngaatip allatigullu ilanngaatit katinneri sinnerlugit isertitaasut kisimik akilerartutigineqartussaapput. Taamatut killigitataq amerlanerpaanut 58.000 koruunivoq.

Isertitavit katillugit ilanngaatissavit katillugit amerlassusiannit ikinnerunissaannik ilimasukkaluaruilluunniit siumoortumik nalunaarsuummik nunap immikkoortuani akilerartuseriffimmut nasiusisariaqarputit, siumoortumik nalunaarsuinerneqartatillugu ilanngaatissavit tamakkiisumik ilaannaakuusumilluunniit aapparissanut nuunneqarnissaat kissaatigigukku.

Siumoortumik nalunaarsuinerneqartatillugu akilerartuseriffiit akilerartarnermi procenti illit akilerartutigisassattut kommunerisanni 2010-mut atorneqartussatut aalajangerneqartoq aallaavigissavaat. Kommune akilerartutigisassatut tassaavoq 1. september 2009-mi najugaqartutigisat (inuit allattorsimaffianni najugaqartutigisat nalunaarutigisimasat). Ulloq taanna kingoqqullugu nuunnermi kommune akilerartutigisassatut allanneqarsimassaaq.

Inunnut 1. september kingoqqullugu Kalaallit Nunaannut nuuttunut kommune akilerartutigisassatut tassaavoq, kommune najugarissallugu suliffigissalluguluunniit najugaqartutigineqartoq siulleq.

Kommune akilerartutigisat sorliunersaq skattekortimi allanneqarsimassaaq.

**Siumoortumik nalunaarsuinerneqartatillugu tunngasunik apequtissaqaruit, nunap immikkoortuani akilerartuseriffimmut saaffiginninnissamut tikilluaqquneqarputit.**